

KAPITEL VI.

Hamanib Mardachai sagvartome opigijariakarpa attanniub attingane.

UNNUARME taipsomane attannek sinnigungnarlaungilak, kaitaukovaillo aglait, unipkautsit pijokalauktunik, attuartauleuk-pullo attanniub sângane;

2 Tagvanelo naipitauvok aglaksimangmat, kannok Mardachai okarlaungmat, attanniub pimaklertokotigik magguk Bigtan Thereslo upkoab manuane udsertortûk, aggatik illijomanasuarlaungmagit attannermut Ahasverosemut.

3 Attannerlo okarpok: Sunamik nertortaunermik, ajungitullivionermiglo Mardachai pinniarvigilaukpittigo tamanna pivlugo? Tagva kivat kigvartortut tapsominga okarput: Pinni-arviolaungilak sunamik.

4 Attannerlo okarpok: Kina avaluliorsimajub illuaneka? (Haman avaluliorsimajub illuanut, attanniub iglungata sânganê tub ittersimalaurame, attannek okautitsomavlugo, Mardachai kimiktaukolugo nappartome, tapsoma akiksorlauktangane taimna pivlugo.)

5 Attanniublo kivgangita okativât: Ahâk Haman avaluliorsimajub illuane nangerpok. Attannek okarpok: Itterle.

6 Hamanelo itterpok. Attanniublo okautiva: Angut attanniub opigijomajanga sunaliorviojuksauva? Hamanele omattimigut issumalerpok: Attanniub kina assimnit opigijomanajaralloarkauk?

7 Hamaniblo attannek okautiva: Angut taimna attanniub opigijomajanga,

8 Tamaungartaujuksauvok attititaukovlugo annorânik attannersiutinik, attanniub attorpaktanginik, horselo attanniub ablangavigivaktanga tamaungartaujuksauvoktauk; illijiviovogulogo (angut taimna) niakunganut attanniub niakutânik;

9 Annorâglo tamna, horselo tunnijaujuksauvûk, attanniub angajokâksoangita illangata agganginut, tapsoma angut taimna attanniub opigijomajanga attitilugo pikovlugo, tessiorlugolo, ablangatilugolo horsib kângane, iglugaseksuit apkosingittigut, nipliarkojilunelo sivurngane: Taimailiorvioniarpok angut attanniub opigijomajanga.

10 Attannek Hamanemut okarpok: Tuavitit, annorâglo, horselo tigukik, sorlo okalauravit, Mardachailo, Judeôjok attanniub itterviksoangata sillatane iksivajok taimailiorvigiuk; innoksartokarniarane sumik okautigilauktarnik.